

1. Եթե շուշան ես լինեի
Սարոնի մեծ պարտեզում,
Միայն Քո սերն կբուրեի
Գարնան բոլոր օրերում:

2. Եթե սոխակ ես լինեի
Լիբանանի անտառում,
Միայն Քո սերն գեղգեղեի
Կյանքիս բոլոր օրերում:

3. Եթե աղբյուր ես լինեի
Այս կյանքի ճանապարհին,
Միայն Քո սերն կբխեի
Բոլոր ծարավ սրտերին:

4. Եթե հրեշտակ էլ լինեի
Երկինքների երկնքում,
Միայն, Հիսուս, Քեզ պաշտեի
Գալիք բոլոր դարերում:

5. Թե հազար կյանք ունենայի
Այս աշխարհի երեսին,
Հազարն էլ Քեզ կգոհեի,
Հիսուս, հոգուս պաշտելի: